



Indgået

21 FEB. 2018

Inatsisartuni ilaasortaq, Laura Táunájik, Siumut
Maani/

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37 naapertorlugu apeqquteqaammut nr. 52 Tunumi qilalukkanik qernertanik misissuinernut tunngasumut akissut

Ulloq: 19-02-2018
Sulap normua: 2018 - 4101
Akt normu: 7276272

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiusaqaarsimavutit, Tunumi qilalukkanik qernertanik misissuisimanerit pillugit. Apeqqutitit uanga suliaasaqarfigisannut akisassanngortinneqarsimapput.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apri@nanaq.gl
www.naalakkersuisut.gl

1-mut) Pinngortitaleriffiup Tunumi qilalukkanik qernertanik kisitsisimanera kingulleq qanoq takussutissaqarpa aammalu sumut killeqqava?

Misissuinerit nutaajunerusut 2016-imi qilalukkanik qernertanik Tunumi timmisartukkut kisitsinernik tunngaveqarput, NAMMCO-mi Ilimatuussutsikkut Ataatsimiititaliaanut (VK) saqqummiunneqarlutillu akuerineqarnikuupput. Inernerit tulliani ukiumoortumik ataatsimiinnerani NAMMCO Isumalioqatigiissitaani akuerisassanngorlugit suliarineqarnikuupput.

2-mut) Qilalukkanik qernertanik kisitsinerup paasissutissartai qaqugu NAMMCO-mut akuerisassanngorlugit saqqummiunneqassappat, aamma akuerineqarnissaa qaqugukut naatsorsuutigineqarsinnaava?

2017-imi Itoqqortoormiini misissuinerni inernerit maannakkut misissoqqissaarneqassasut Pinngortitaleriffimmiit sulissutigineqarpoq. Inaarutaasumik inernerit NAMMCO-p aamma Kalaallit Nunaata Canadallu qilalukkat qaqortat qernertallu pillugit Ataatsimoorussamik Ataatsimiititaliaanni Ataatsimoorluni suleqatigiissitaannut upernaakkut 2019-imi saqqummiunneqassapput. Ataatsimiinnerup kingorna siunnersuineq isumaqatigiissutigineqartoq ukiakkut 2019-imi NAMMCO-p VK-anut saqqummiunneqassaaq. Siunnersuineq NAMMCO-p VK-anit akuerineqarpat upernaakkut 2020-imi NAMMCO Isumalioqatigiissitaani saqqummiunneqassapput.

3-mut) Misissuinerimi paasissutissatut katersat tunngavigalugit naatsorsuutigineqarsinnaava qilalukkanik qernertanik pisassat Tasiilamut Itoqqortoormiinullu qaffaavigineqassasut?

Apeqqut maannakkut akineqarsinnaanngilaq, tassami siunnersuineq nutaassaq NAMMCO-p Isumalioqatigiissitaani sulliarineqaaqqaartussaagami kingornalu tusarniutigineqareerpat Naalakkersuisunut saqqummiunneqarluni, naggataamillu aalajangiisoqassalluni.

Inaarutaasumik erseqqissaatigineqassaaq qilalukkanut qaqortanut qernertanullu uumassusilerinikkut siunnersuineq nutaaq atuutilersinneqarnera annertuumik suliasaammat, Atlantikup Avannaani miluumasut Imarmiut pillugit Suleqatigiissitap (NAMMCO) aamma Kalaallit Nunaata Canadallu akornanni qilalukkat qaqortat qernertal-

lu pillugit Ataatsimoorussamik Ataatsimiititaliaat (JCNB), taakkunanilu teknikkikkut suleqatigiissitaliaannik immikkoortuni arlalinni suleqatigiinnermik pisariaqartitsisoq, ilisimatuussutsikkut siunnersuinerup pitsaassusaa qulakkeerniarlugu. Taamatut suleriuseqarneq aamma imarmiunut allanut miluumasunut kilfilersukkanut atuuppoq.

Inussiarnersumik inuulluaqqusillunga



Karl-Kristian Kruse

Aalisarnermut Piniarnermullu Naalakkersuisoq